

河南府縣志輯

中國地方志集成

光緒內黃縣志
民國內黃縣志

中國地方志集成

河南府縣志輯 (26)

光緒內黃縣志

民國內黃縣志



上海書店 ● 巴蜀書社 ● 江蘇古籍出版社

李志舊序

內黃畿輔壯縣也間者形方氏議其孤離割歸豫省夫國有遷徙史法當書內黃之輯邑乘善矣不觀兩漢書例乎前漢書儒林傳序曰漢興田何以齊田徙杜陵顏師古注云初徙時未爲杜陵也後漢書劉祐傳曰祐中山安國人安國後別屬博陵由斯以推傳厯一人耳史必謹記遷徙翔實況一邑之大別其府別其省者耶內黃之輯邑乘善矣且志宜三十年一舉今攷內黃志始於前明嘉靖修於萬厯入我

朝文物聲明宜有國本乃唯康熙十八年踵事數條亦補苴

內黃縣志

卷舊序

一

罅漏爾今乾隆己未邑令李君銳志復古分部按班具有經緯大民細民拭肯具瞻草稿既定請序於余噫詎知固余素志哉余家博陵既與內黃聲櫟枋榆茲撫中州又值內黃測圭封守睠焉北顧具有良緣抑亦心離內黃之隸豫也夫外黃係今杞縣則內黃應歸彰德春秋吳子晉侯會於黃池應劭以爲內黃臣瓚以爲外黃論雖不定固宜均轄豫州耳且隋開皇十一年以內黃撥附相州則今日之役要亦事從其朔何鄉舉之有是志也不特攷陸鄰鄰中之記且以補宋敏求河南志之闕矣因次其顛末如此乾隆四年秋七月巡撫河南等處地方提督軍務兼理河

通博陵尹會一題

季序

邑之有志也以志一邑之土地一邑之人民一邑之政事也邑無志則其地其人其事皆散佚莫攷矣志久不修則地有變遷人有後起事有更制必缺而不補斷而不續矣況夫代隔勝朝境移直省歲閱百數十年之久錯簡殘編斷行缺字如黃志者乎修之何可不亟也攷黃志始於明嘉靖時邑前輩周公萬金續成於檀淵王尚書崇慶至萬厯庚子邑令項城王公廷諫重修鈐板董吏部復亨擢晉焉今之舊本是也雖

內黃縣志

卷舊序

二

國初屢有續增未經改刻其中欸製舛雜匪特別風淮雨宇畫之譌而已而自康熙十八年以後更無復有編入之條苟及今不爲徵採歲月逾久將父老之傳聞學士之記載其荒落有不勝言矣况我

朝初仍明制邑隸大名自雍正三年以衛河爲槽糧所經政隸彰德便於策應此尤沿革之大者而因循仍舊不亟爲釐定可乎歲在丙午從兄保亭公來宰是邑議續修不果越今十稔復澄任於茲乃謀之紳士委以博徵旁採而或存或削復就鴻筆而商確焉蓋規撫雖從舊本而因革損益不無變通以求其當要使一邑之中其地其人其事

序次明順詳略得宜不致有缺而不補斷而不續之憾而

國家經制之善教養之隆官師之績以及邑人士女忠廉節

孝之行前後輝映可以表微可以勸俗者開卷之下罔弗

瞭然既呈上憲命以開雕加之鐫校蓋自是而黃志之成

庶以備石室之藏供輶軒之採其亦一邑之信史矣刻成

因敘重修之顛末而志其不可緩者弁於簡端時

乾隆四年己未七月知內黃縣事閻中李慎撰

內黃縣志

舊序

三

上

重修內黃縣志采訪事實

惟郡邑有志所以載疆域之廣狹紀風土之肥磽考人

材之盛衰第貢賦之輕重爲統志省志之支派 國史之

附庸而家乘之所會歸也內黃一邑尚屬直隸大名雍正

三年改屬彰德運道所經厥水交匯雖中州之邊幅實兩

省之咽喉前明嘉靖年間邑令張鳳張古謀修縣志得邑

人周萬金藁本隨創隨續疊經張文鳳張鵬王廷諫諸令

之手始綴以行後惟康熙十八年增輯數條迄乾隆四年

前令李慎發憤一修而規模略備自是至今百五十年遂

無復有添入之條最可異者府志一修於乾隆三十五年

內黃縣志

采訪

一

上

再修於乾隆五十二年中間內黃事實采擇頗多而其時

邑之官紳竟無操鉛槧而紹李志者豈事必待人而舉人

必待時而興哉何廢墜至於斯極也 慶恩 承乏茲土適值

災亂之後經理諸務巖有端倪而邑志不修終覺惟心之

疚今幸民和年豐邑人士協力同心踴躍趨事廼敦聘畫

錦書院院長江甯陳念劬先生秉筆主稿焉顧起例發凡

事固歸諸賓友而周諮博訪責仍在於紳耆有如山川城

郭向有圖經 今當增分野書 田賦 停運改折章程以及他

諸旨恩詔 嘉慶十八年 肅州 李 文 成 山 東 林 清 之 變

皆當謹載 軍旅 地皆與縣境毗連又咸同年間屢遭捻匪

節次蹂躪均宜求議方策祀祀 乾隆四年以後 文廟中

者軍興以來有無忠義奉旨建祠崇建置之大繕一切營祀者武廟何年升祀均宜詳載職官科貢之繁歷屆恩廣年分各有司存采報猶易上當采諸惟是名宦鄉賢之須增文苑儒林之待補以及獨官府者行舊方技列女文節堪稱俱宜著錄又如隱逸僑居可備人物金石傳誌可入藝文即二氏之殊途亦片長之必探以上當采凡茲稱引耳目難周是在表微君子慈孝後諸民間者賢苟有見聞幸即錄送倘非誣罔悉付編摩於戲為名官而龍命氏述祖者數典堪珍郡會稽而湖廣陵條對者多聞見美前修不遠延埃良殷須至采訪者

丙黃縣志

采訪

二

五

人物事實者 一丙黃前哲無論漢學宋學經濟詞章卓有論議者 一忠孝廉節至行過人或有名賢為作傳誌者 一技術方外如有譔著須其書手跡現存者 一無論布衣農工如有一得過人而為名德之儒賞識可憑信者 一土著舊姓及科第名家文學世德有譜牒可稽者 一敷陳地方利病切實可見之施行必其人已故而其文議之藏著者 一如有嘉德懿行雖屬鎖聞而可備懲勸者 一文人日記有載近年兵事兼及丙黃人物事蹟而其書已刻或手稿現存者 一無論城鄉凡有碑版表誌其文可搨或略能辨識者

以上十款俱係采訪乾隆四年以後之事務祈在邑者即送本局在外者由官封遞送本縣肯以其書假者給與收條三月後憑條取回決不污損幸毋吝教
光緒十六年二月 日知丙黃縣事董慶恩謹議

丙黃縣志

采訪

三

六

內黃縣志

卷首

天文圖說

輿地諸圖

列聖詔旨

舊修姓氏

新修銜名

義例

目錄

謹按志例向有卷首茲依府志之式前繪分星附載

內黃縣志

卷首 目次

一 上七

考證仰觀天文也次圖輿地而城廂衙署祠宇及邑

中十二景圖以類相從俯察地理也次恭錄

詔旨紀

聖澤也次書舊修姓氏誌本始也次書新修銜名著成勞也

次述義例次列目錄明乎損益因革不敢輕蹈剿襲

亦不敢自作聰明也若是者戴高履厚無忘參贊化

育之功舍舊圖新仍協始終條理之義疏陳崖略用

冠全篇

內黃縣志卷首

圖目

天文分星圖

縣志全圖

城廂圖

衙署全圖

學宮全圖

城隍廟圖

關帝廟圖

書院圖

內黃縣志

卷首 圖目

一 上八

倉庾圖

邑中十二景圖

附考證數條

府志云星纏室壁之分

帝王世紀黃帝分星次自危十七度至奎四度曰家

韋之次一名姬訾

爾雅姬訾之口室壁也

漢書地理志營室東壁衛之分野

唐書天文志營室東壁姬訾也

清類分野書云澶懷衛相皆衛分也

明一統志懷慶府衛輝府彰德府大名府俱室壁分

野

應劭曰春秋吳子晉侯會於黃池今黃澤在西陳留有

外黃故加內云臣瓚曰國語曰吳子會諸侯於黃池

掘溝於齊魯之間今陳外黃有黃溝是也史記曰伐

宋取黃池然則不得在魏郡明矣師古曰瓚說是也

應說失之

見前漢書注

梁太祖幸河北至內黃顧李瑒曰何謂內黃瑒曰河南

有外黃下黃故此名內黃太祖曰外黃下黃何在瑒

曰秦有外黃都尉在今雍邱下黃為北齊所廢在今

內黃縣志

卷首 圖目

二

陳留太祖平生不愛儒聞瑒語大喜

見五代史李瑒傳

內黃縣志卷首

恭錄

列聖詔旨

內黃縣志

卷首 詔旨

上十

內黃縣志卷首

明志姓氏

知縣張鳳 謀修

知縣張古 創修

知縣張弦 編輯

知縣張鵬 改修

知縣王廷諫 重修

教諭黃希奭

訓導趙承光

行人黃吉士

內黃縣志 卷首 舊志姓氏

知縣王萬邦

縣丞孫愛之

縣丞關世亨

人舉王三宅 全開

生庠田時登

典史管川 督梓

教諭胡一鵬

副使楊問奇

司務司琨

候選張亭吉

知縣周萬金 草創

知縣孫良輔 編輯

知縣張文鳳 再修

開州王崇慶

元城董復亨 撰次

訓導周鳳科

郎中劉光祚

同知李一經

知縣王萬選

知縣任光裕

人舉張中侯

大名楊之大 采校

縣丞劉雅 督梓

知縣張為仁 續修

訓導厲貞

知州司九苞

訓導任之龍

人舉李滋 全開

人舉李滋 全開

貢士黃本昌

副榜司九皋

生庠樊之屏

武舉辛憲南 采梓

縣丞馮昱 督梓

李志姓氏

知縣李湏 纂修

教諭董萬山

中書黃之徵

侍衛楊炳

內黃縣志 卷首 舊志姓氏

人舉張元貞

貢拔黃爾庸

生增張隆佑

生廩王體仁 以上

監生劉師曾 微採

廩生張基振

廩生柳克勤 即王附生

附生燕逢午

附生劉偉

貢士袁魁

生庠馬昌

生庠張肯堂 以上

生庠白爾知 繕書

典史宋肇麟 督梓

縣丞楊清

訓導張本陳 以上

知縣張九燭

教諭張大洩

貢拔黃爾昌 以上

生廩劉彥

生廩王衍曾

典史姚鳳岐 督刊

監生張法良

廩生王廷元

廩生黃守仁

附生安九苞 以上

附生張明義

庠生劉振藻 以上

庠生劉振藻 以上

內黃縣志卷首

義例

一志書多詳誌地理而略於天文茲依府志增補天垣圖說以備畫野分星之義不復別立門類亦不踵分野附入地理之失

一縣治全圖今用計里開方之法俾知山川險易道里遠近凡有期會調發皆可剋定期期於政事不無裨益其餘諸圖間有增改至邑中十二景圖則因仍李志留資點綴

一前史於朝廷詔令條教無不備載所以廣教化而昭

內黃縣志

卷首 義例

功德也茲照府志之例萊錄

列聖詔旨俾吾民知僻壤偏隅得遂其生全之樂者其來有自且宣布德意亦有司之職分也

一城廂衙署祠宇以及書院倉庾更歷多年不無營建又四鄉所築堡寨以禦寇盜悉關建置之大現俱查明開載

一糟糧爲

天庾正供所有停兌改折章程及一切賦役有無更章均經詳細稽核分別新章舊制逐條開載

一文廟春秋祭祀樂章及兩廡位次自乾隆四年以

後歷有更訂增添茲俱謹遵今制詳細改載

一李志編年一門凡事之有關於黃者大書特書居史體茲求之官府采之紀載取其事之大者接續編排而仿呂成公著書之例改爲事實記庶幾名實不紊

一嘉慶十八年滑縣李文成之亂咸同年間粵匪捻逆之亂一切城守戰攻事宜俱經詳考載入以誌事實一志例人無論賢奸忠佞皆當直書其名李志於順治元年書吳賊掠東庄集六年書潞安推官司九韶死姜逆之難二賊皆不書名非體也今查姜逆爲大同

內黃縣志

卷首 義例

叛鎮姜瓖而吳賊則不知何名闕以俟考

一李志宦蹟卽職官之傳也然名宦與循良要當有辨人物各自有傳然鄉賢與耆舊忠義孝弟與義行亦各有辨以其在祀典也今釐爲列傳三卷上卷名宦後附以循良中卷鄉賢後附以耆舊忠義孝悌後附以義行下卷傳文學隱逸方技流寓方外惟列女則另爲一傳以示區別

一古今人物分門別類繙閱爲勞又職官科貢例當有表而李志無之今各製爲一表以時代爲經以品目爲緯刪煩就簡之中仍寓論世知人之義觀者庶易

於翻檢

一樂尙書巴之忠懇傳殿直珏之剛方皆邑人中卓卓表見者道術善相一技之長祇應附在本傳之後若載入方技反未免輕量高賢

一李志列傳所載人物如侯莫陳悅侯莫陳崇既不定爲邑人其品亦不甚純自當別有位置又王要漢初從李密繼從王世充卒乃斬主將以歸唐其人亦不無可議以與遵賢傳獻簡諸公並列殊多愧色茲查志中本有武勳一類而三人又皆始終兵間得致通顯歸入武勳最爲允當

內黃縣志

卷首 義例

三

上

一岳忠武籍隸湯陰舊志因史有河決內黃母氏姚抱坐獲中衝濤及岸之語遂載入流寓殊涉附會然忠武英風浩氣無往不在黃爲鄰邑固當致其敬恭未便刪削

一舊志有奸雄傳傳曹丕再閱二人又以王伯當爲忠義之冠李志譏之是已然因其無類可歸而以其事實載於雜記亦似未當今以閔之事實附於其父石瞻傳後

賸本姓冉

伯當

事實附於其兄王要漢傳後

二傳人物

表

中

武勳至曹丕事實則早經刪削惟受禪臺留載古蹟

一李志修於乾隆四年距今百五十年中間府志一修

於乾隆三十五年再修於乾隆五十二年所采邑中事實頗多今俱分類載入惟自五十二年以後故老之傳聞既無所藉學士之著述復無可因非但民間之奇節堅操芳徽懿行湮沒者多即職官科貢求之官府文書亦未能一一貫串前次失於因循茲更失之譌陋缺略之譏知所不免拾遺補缺謹俟後賢

一志例凡邑人之主纂者自應製序餘皆襄事而已李志所載舊序極多留其語有發明者以證源流且以備一邑人文

內黃縣志

卷首 義例

四

上

一金石藝文相爲表裏舊志向無金石類欲搜剔一二以爲好古之助而城火燬遺長隄屢潰鮮藝賓之鐵碑如薦福之神蔓草荒烟唏噓憑弔然後知王開州董元城非讓美也實無從藉手也讀黃志者請卽以藝文一編爲管鼎一鑄適且快意而已

李志舊例九條

一編年內自康熙二十七年以後俱續增前代若漢遣樂邑拘行州郡徵申屠蟠爲博士不至唐張公謹以功授右武侯將軍內黃尉崔宣道爲衛佐宋封遼伯王爲內黃侯傳相成以實讓閔直學士致仕又自明以逮

國朝修建學宮城垣與王三宅司五教司九韶殉節事皆

宜大書特書舊志所遺今俱補入

一 張公謹唐書本傳載其子大素大安及大安子悱皆有著述志不宜遺今載文苑王要漢爲王伯當兄歸唐封爵事見史鑑今補入人物

一 舊志宋師頌載入文苑按宋史本傳稱其歷職以簡靜爲治爲人曠達夷雅縉紳慕其操尙不專以文學著也今改入人物列傳

一 宋傅忠簡伯成爲忠肅之孫忠肅爲黃人忠簡可遺於黃志乎今據宋史補入人物列傳

內黃縣志

義例

五

此

一 黃邑於唐初分置臨河後廢入滑縣臨河人物如孝行華秋李文綱陳爰例宜入滑志不宜入黃志矣因舊志編載又近建忠義孝弟祠以華秋入祀未便改刪陳爰仍併見選舉志

一 舊志於選舉內恩典之後列義民一條載馬鐸鄭寬諸人非志例也今於人物孝行後增義行一條以舊志義民依次編載而後之樂善好施者并續入焉

一 藝文書奏出自邑人雖不專邑事要其生平建白之大者皆載之漢高彪邑令也遺馬融書及長樂觀箴本不應載晉王瑯薦范滂書晉非邑人舊亦誤編今

俱改入本傳來行

一 舊志藝文不載墓誌銘最爲簡淨蓋諛墓之詞每苦連篇累牘其後事與文均無取者皆有增而不可削矣今仍舊例不敢倡端其名人誌銘則改入傳中不沒其實而已

一 藝文志所載各詩必切合邑事或邑人生平所係重大者如唐沈雲卿正月晦日昆明池應制紙落樓頭爲沈宋佳話不可削也其銅雀臺詩地屬臨漳古意呈喬補闕亦無關緊要李供奉感懷五古以比干屈原並咏而舊志載爲過比干廟詩亦誤今俱削去明

內黃縣志

義例

六

此

邑人司孝廉草色遙看近却無七律既不切邑事題亦甚閒俱可從刪後之續增者俱據此爲例

以上舊例九條
語有關繫
理應酌留

按修書之例凡新增各條當逐一註明以示進不掠美退不避咎而是書則有可從省者蓋舊例雖未盡善而搜討極爲賅洽以故今茲之役凡乾隆四年以前事實悉因舊志一無增損其品題位置未當處則爲之別白部居安置妥帖乾隆四年至五十二年事實皆係採錄府志乾隆五十二年以後之事則惟求諸官府文書耆老聞見分類載入

是皆有年月爲之限制無煩逐一註明若夫

列聖頌懸 文廟扁額丁祭儀注樂章先賢先儒之續經

崇祀兩廡者文武學額之漏載者均遵照會典詳

查卷案與現行事例敬謹增入兵事則靖逆記豫

軍紀略爲之根據條款無多概不贅註合併聲明

內黃縣志

卷首 義例

七 北

內黃縣志卷首

目錄

卷一

地理 沿革 疆域 山川 隄堰 渡口 營屯

卷二

建置 城池 署廨 郵鋪 倉庾 橋梁 井泉

卷三

古蹟 陵墓 城壘 村里 臺宇 寺觀

卷四

風土 風俗 物產

內黃縣志

卷首 目錄

一 下

卷五

田賦 里甲 戶口 地畝 賦稅 漕運 鹽課

卷六

學校 學宮 祭儀 書籍 學額 社學 義學

卷七

祠祀 壇壝 祠廟

卷八

事實記

卷九

職官表 知縣 縣丞 主簿 典史

卷十

科貢表 進士 舉人 貢生 例貢

卷十一

古今人物表 薦辟 武勳 封贈 恩蔭 祿仕

卷十二

列傳 上 名宦 循良

卷十三

列傳 中 鄉賢 耆舊 忠義孝悌 義行

卷十四

列傳 下 文學 隱逸 方技 流寓 方外

內黃縣志

卷首 目錄

二

卷十五

列女傳

卷十六

藝文 上 制誥 書奏 記序

卷十七

藝文 下 記序 詩賦

卷十八

志餘 雜識 舊志序跋

內黃縣志卷一

地理 沿革 疆域 山川 隄堰 渡口 營屯

黃自漢初置縣厥後併析廢興名稱不一語其形勝則博望峙於東南洹漳環於西北金隄委蛇於左个黃澤容與於右方冀充直隸山東兩省昆連唐書縣下繫一繫字宋史縣下繫一畿字則黃誠巖邑也我朝釐定舊章由大名改屬彰德衛河漕糧便於呼應抑且長蘆資食鹽之利津沽通番貨之商昔為孤離今為指臂則夫關津之盤詰隄防之扞禦灌輸之益保衛之方何一非守土者所有事哉作地理志

內黃縣志

卷一

地理沿革表

沿革表

唐虞

隸齊冀二州之間

夏

隸冀州之域為觀扈國禹貢導河冀州云大河東過洛汭至於大伾內黃乃大河北向所經之道也

商

仍隸冀州河亶甲築有薊陽聚即古殷城

周

武王克商封康叔於衛邑西有黃澤即其地也春秋屬晉戰國屬魏一名黃一戰極侯入趙拔魏黃城孝成王二十八年廉頗兵攻之

丙黃縣志卷二

建置 城池 署廨 倉庾 郵舖 橋梁 井泉

釋名云城盛也盛受國都以盛民也郭廓也廓落在城外也設險以守此其亟乎他若官僚之所宅賓旅之所經爲荒歉謹其蓋藏爲灌溉勤其疏鑿表閭式敬掩骼施仁皆爲政之要務也雖然元狩元豐疊遭河決今則河徙而南無爲歌瓠子矣天生五材誰能去兵髮捻交訐民苦剽掠向非堅築堡寨奚所恃以爲守禦哉悉書於編俾值

承平之世無忘軍旅之艱焉作建置志

丙黃縣志

卷二 建置

一 下

丙黃縣志卷三

古蹟 陵墓 城壘 村里 臺宇 寺觀

邑境之在有商其亦猶平陽蒲坂安邑錦京爲宇內一大都會乎嗣是而康叔受封炎劉置邑聲明文物必有可觀此所以輔翼名都重曹爭據也惜自劉石紛擾晉宋播遷名勝之區剗除殆盡加以黃漳交匯波濤衝決名園勝景沙壓塵埋令人上下古今不勝滄海桑田之感焉今茲所載祇存什一於千百而猶宋元後之遺跡居多則甚矣前賢搜輯之功不容沒而後人之保護又當何如耶作古蹟志

丙黃縣志

卷三 古蹟

一 下

內黃縣志卷四

風土 風俗 物產

先王疆理天下物土之宜而布其利閭閻服食所需
取給土產故其時風氣儉樸無極貧之戶亦無甚富
之家後世棄本逐末競尚新奇風俗遂因此衰敗然
則人心不古若豈盡由地瘠民窮哉黃境多砂茅硝
鹹民間生計頗絀而皆任操作耐勞苦未嘗輕去其
鄉蓋土物心賊無嗜好相攻奪也傳曰安土敦乎仁
又曰瘠土之民莫不嚮義仁義立而上下之維繫
固則不貴異物之效也可勿務歟作風土志

內黃縣志

卷四 風土

內黃縣志卷五

田賦 里甲 戶口 地畝 賦稅 漕運 鹽課
驛站 雜稅

土田者生民之命賦入者裕國之源君子勞心小人
勞力治人者食於人治於人者食人古今通義也我
朝軫念民依倍惜物力丁歸於地永不加丁賦出於田永
不增賦一切稅課差徭無勒配無苛派民生其間休
養生息蕩蕩乎戴熙皞之天游華胥之宇矣往者豫
省漕糧由衛運通邑境爲總匯之區自軍興道梗停
兌改折閱今已三十年事屬更章之大不可以弗識
也作田賦志

內黃縣志

卷五 田賦

內黃縣志卷六

學校 學宮 祭儀 書籍 學額 社學 義學

古者立教有鄉學有國學風俗之美人材之興恒由於此唐宋詔州邑建立廟學崇奉先師俎豆莘莘禮儀隆備所以推廣國學之義風厲天下者顧不懿歟黃於古為衛地遠有設教西河之卜氏近有從祀兩廡之遷賢觀摩切而濡染深以故文學之儒節義之士史不絕書我

朝雅化作人昌明文教更廣置書院以宏樂育凡籍隸學官知必有感動奮發不讓美於前賢者矣作學校志

內黃縣志

卷六 學校

一

下

內黃縣志卷七

祠祀 壇壝 祠廟

聖天子懷柔百神凡有功德於民者載在祀典有司以時奉行未有敢隕越貽羞者也惟是明禋之禮有州邑之所同有一邑之所專且間有一二處非其據食非其土要亦習俗相沿諸父老歲時伏臘牢醴笙簧以丐福地求利益使必毅然釐正無乃非所以從宜從俗歟記曰凡祭有其舉之莫敢廢也惟淫祠祆廟不在斯例耳作祠祀志

內黃縣志

卷七 祠祀

一

下